الفرايجية البرانس

ابداعات الشباب عبر الفايسبوك/صفحة (قبيلة البرانس تقاليد وعادات)

منذ مدة وأعضاء صفحة: قبيلة البرانس تقاليد وعادات يهتمون بتراثهم بصفة عامة والغنائي بصفة خاصة. اهتمام جسدوه من خلال المحاور التالية:

1- تكريم العديد من شيوخ القبيلة/ الفرايجية عبر تقديم بطاقة معلومات عن المحتفى به وبعض القصائد /الزراعي التي ارتجلها في مناسبات عدة مثل الاعراس وحفلات الختان والعقيقة ثم تنظيم سهرة خاصة بالحدث يرتجل خلالها الاعضاء الموهوبون زرعات/قصائد بالمناسبة ...

2- تلقف العديد من الوقائع والاحداث التي توحي بالابداع الشعري ونظم قصائد مرتجلة بمستوى متميز يذكرنا بما ابدعه شيوخ من طينة الحداد ،علال ددريس ،الرهيف ،الهركال ،طاراش ،الهرنان ،بغداد ،الكرميش ،امعاشو ،الصنهاحي ،الصنهاحي ،

وفي إطار الاهتمام بإبداع الشباب نقدم اليكم هده المادة الزجلية المكونة من جزئين: الاول بمناسبة تصريحي كل من الوزيرتين الحيطي(22 ساعة) وافيلال (2 فرنك) والثاني بمناسبة تكريم الشيخ علال دَدْريس.

Mohamadi Elharnane

7 novembre 2015





Aziz Bernoussi

شوف شهاد مُحمادي البالا حُتا حاجة ما خَلا مرة الطّنة وْزادْ السّلّة مرة الطّنة وْزادْ السّلّة النّشرْ النّصاور ويَبْقا ايْتَلاّ الصّبابة الهضرة عَنْدو شُحال مْتَوْلَة للا سلمى بالبوناني باقْيَة مَحْتافُلة للا سلمى بالبوناني باقْيَة مَحْتافُلة انا هادْ البَرْنوسِية ماعْرَفْت باش نُمَتْلا هَكَا يْكونو النّسا وإلاّ فَلا ماشي بْحال افيلال والحيطي المْبَهْدلَة وحُدة ادْقُلَم التقاعد دالبَرلماني قليل ماشي شلا ولُوخْرا قاتلَم انَحْدَم 22 ساعة كامْلة ولوجْرا قاتلَم البَرنوسيات مَنْ كُل بْلا ياربي حْفَظُ البَرنوسيات مَنْ كُل بْلا و الوزيرة يعطيها شي ضْبَع دْخَمْلَةههههه





Mohamadi Elharnane



Med Es Sababa

يَعْطَكُ الصَحَة عُلَى هادُ الهَضْرة الَمْعَقْلة طَحَكْتُني حْتَى ضَنَوني حَمقة مَشي بْعَقْلة طَحَكْتُني حْتَى تْعَاشِيت وْجِيت مْكَرْبْعَة بْقِيت أَنْطْحَكُ حْتَى تْعَاشِيت وْجِيت مْكَرْبْعَة هَداك حَمادي راهْ خَلانا تايْهين فَالبْرانَس والخْلا والصّبابَة أيْبانْ غِي مْعَ البَرد والشّتا يَمْكَن هو صاحب المَرْفَع والحْصِير والسّلا يَمْكَن هو صاحب المَرْفَع والحْصِير والسّلا وراه شاهَد عْلِيّ هَداك لِي هَرْبَتْلُو بْفَاهْ ومْشا تابْعا وراه شاهَد عْلِيّ هَداك لِي هَرْبَتْلُو بْفَاهْ ومْشا تابْعا

شُوفُو هاد العزيز البالا اعْمْل كِي الكاهينة وكُسَيْلة بالفاس والبالة انْزَل ايَحْفَر بَالقالَة رَيّبْ البيوت والنوالة على البدو وفيلالة وعْلَى السّياسِيين دَالزّبّالة قُلَّمْ والله حْتَى نَعْمَل فِيكُم حَالَة انْتِ اَمُولاتْ 2 فْرنك مُودَرْبالَة لِيهُ عامْلَة فَكْ هادْ الحالَة مْقَنْفَة وْمَفْقُوصَة لا حَوْلا وَانْتِ يَالحَيْطي مَلْويّة فَالقَفاطَن كِي الْكْبالَة 22 مَاشِي ساعة دَالخَدمَة فَالدّولَةُ 22 عَنْدَكَ غِي فَالشَّنْايَف مُضُوبُلاً وْكِي يَعْمَل راجْلك يَوْصَل لَلحُلاوة وْ يَفْرَرْ الشَّنافَة المُأصْلَة مَنْ 21 دَالشْنايَفْ البَاسْلَة

رَانِي مْرِيض وْمَصُهوط
مَقَدَّيت نُحَيَدْ مَنْ رَجْلي البُوط
وبْقِيتْ كِي الحَولي مَرْبوط
غِي حاوْلُو عْلِيّا مَالْعْيوط
مَشِي دْرَدَونِي نْطِير كِيفْ الفَرْطوط
ليه اسالما ادْسِفَطْلي القُرطاس قَدْ البلّوط
كُلامَكُ ايْهَرّس لَحْيوط
غِيرْ قُولِي مَنّايَن جَبْتي لَعْيوط
واشْ كَيْوَصْلُوكُ مْبَلْعِين فَالكوكوط
وانا قَلْبِي فْلَتْ هْنا خَدّام انْسُوطْ
يا عمى.



Med Es Sababa

انا قانَع وَنَخْدَم بَالْمَلَاسا مَالُ سالْما اَدْحُكْ فْرَاسا الْعَیْنایَن كُوحَلْ والقْصِیصَة عَافْسا مَرّة دْجَبْرا فْالْمانیا مَرة فَفْرانسا وْقانْعا بْداكْ الخُلْصَا رَاهَا مْبَرْعا فَالَلْبْسا حْنا الوْرْیرة قَلَكْ مْكَرْفْسا وْلُخْرَی مُعَدْبا فَالنَّعْسا اَبُویَا شْهادْ الْفَقْصا بْقاتْ بنا اَیْحُکْمُنا النَّسا

یا عمی



Mohamadi Elharnane

لِيهُ الصّبابَة كَأَنَا مَزْلُوطُ لِيهُ الصّبابَة كَأَنَا مَزْلُوطُ لِيهُ اسَلْما كَرَجْلِي خَائَر بَالبُوطِ لِيهِ العُزير كَراسِي زَلَيفْ بَالنَّار مَشْوُوطِ لِيهِ العُنْبُوطِ لِيهِ الحُنْبُوطِ يَاكَنْبُوطِ يَاكَنْبُوطِ يَاكَنْبُوطِ يَاكَنْبُوطِ وَالنُورُ فَالمُرْحِ مَشْحُوطِ وَالنُورُ فَالمُرْحِ مَشْحُوطِ خَصْنِي غِي سَالْمَة دُجِي دُشطَبْ ابَرّوطُ وَلَا لَمَسْحُوطِ وَدُخْلَبِ البَقْرة ودُرطَعُ العُجَل المَسْخُوطِ دَحَطَن الجَاج المَرْبُوطِ فَوطُ لَا لَمُعْبَلُ المَسْخُوطِ وَدُخْطِي الفُلالَسِ مَنْ التَّعْلِبِ المَسْخُوطِ وَمُولِلُ الشَّعِيوَرُ مَمْشُوطِ فَولُو لُسَالُما مُولاتُ الشَّعِيوَرُ مَمْشُوطِ فَولُو لُسَالُما مُولاتُ الشَّعِيوَرُ مَمْشُوطِ قُلُو لُسَالُما مُولاتُ الشَّعِيوَرُ مَمْشُوطِ قَبُلُ الشَّنْ المَسْخُوطِ تُسْوَقُ لُبُووطِ لَيْسُوقُ لُبُوطَ السَّيْفِ الْمُسْخُوطِ فَالْمُوطِ السَّيْفِ الْمُسْخُوطِ فَالْمُوطِ السَّيْفِ الْمُسْخُوطِ فَالْمُوطِ السَّيْفِ الْمُسْخُوطِ فَالْمُوطِ السَّيْفِ السَّيْفِ السَّيْفِ السَّيْخِ بِعْداد ***** زَرعة اقرؤوها باسلوب الشيخ بغداد *****



Samad Jazera

اخُوتِي هَادُ الليلة دَالْمَرْفَع فُوقُو الصّينية وشِي زُلايَف دَلْوْدَع وحَالَبْرِيقْ وَالبَرّاد جُدِيد ايَقْشَع والمُرايا صافْيا ادَلْمَع والشّلّالَة مُولَات الغَلّاي بْلَا قَاع هادُو تَقالِيدْنا والله يَالبَرّاني مْعاهُم لَاطْلَعْ



Saouita Hassan







Mohamadi Elharnane

فُوقْ وْتَحْتُ الْمَرْفَع والْصَينية ادَقْشَع والْصَينية ادَقْشَع والْكِيسانِ شُرَب وْبَرَع والْكِيسانِ شُرَب وْبَرَع والْبَرّاد فُوقُ الْمَجْمَر ايَتْكَلْفَع وَالْبَرْو فُوقُ الْمَجْمَر ايَتْكَلْفَع وَقَاوُ قَاوُ ارَا بَرِع وَالْصَبابة لَصْكَعْ والْصَبابة لَصْكَعْ والْحَسْري هَدي مُدة مْخَبِع والْعَسْري هَدي مُدة مْخَبِع والْوَرْبِي دُمازال نُهارو ما طْلَع وَالْوَرْبِي دُمازال نُهارو ما طْلَع فُولُو لَلْعْزيز يَدْبَح اوْ يُوزِّع فَولُو لَلْعْزيز يَدْبَح اوْ يُوزِّع يَعارَطْ لُهادُ المَجْمَع يُعارَطْ لُهادُ المَجْمَع يَعادَ النَّواسَع تَمّا النُّواسَع وَيْخَلِي الْهُرْكال وَاجَد لَلْصْبَعْ وَيْخَلِي الْهُرْكال وَاجَد لَلْصْبَعْ



Samad Jazera

الْهَرْنان حَاشَا دْكُونْ انْتِ مَسخوط وَلَايَنِّي غِي فْرَاسَكْ مَخْبُوط وَلَايَنِّي غِي فْرَاسَكْ مَخْبُوط دُرَدِيتْ سَلْمَى ادْشَطَابْلَكْ ابَرّوط وَدْعَشّي التُبَن وْدَلْقِي البُوط هِدِي سَلَمَى مُولَاتْ السّالَف المَمْشُوط ايْخَصّا التّهْلِيّة وْحَالْعَيْطَة دَالشَّرُوط ايْخَصّا القِيلا والكَلْب وْحَالرّبْعَة دَالقَّطُوط ايْخَصّا الفِيلا والكَلْب وْحَالرّبْعَة دَالقَّطُوط ايْخَصَا الفِيلا والكَلْب وْحَالرّبْعَة دَالقَطُوط



2 janvier, 12:17

لقطات من ذاكرة المحتفى به الشيخ علال دَدْريس الملالي



Commentaires



Naoufal El Morabiti :lwa za3ma kan f9ih,raha nar katakol fih,bnadm charaf wmazal tabaa chyatan



ملاحظه بعد الاعلان مباشرة عن بداية الاحتفاء بالشيخ علال دخل نوفل المرابطي الذي لا أحد يعرف هويته كي يسيء للرجل وليضرب مجهود اعضاء الصفحة بعرض الحائط لكن تعليقه هذا كان بمثابة إشعال فتيل في شحنة من بارود أحرقته نيرانه منذ البداية ... كانت فرصة لأعضاء الصفحة لإبراز مواهبهم في فن الهجاء أو المعيور كما هو متعارف عليه لدى البرانس .



تعليق سي اسويطة: شِي وَحْدِينْ يَمْكَنْ كان عارَفْ يَمّاهُ الْمُوتْ عْلَى علال وَبْقى فِيهَمْ الحال وْراهُمْ ايْطَبْشُو بَالحْجَرْ باش يَخَصْرُو النُعْرْس. مَتَدّيوْش غْلْيهم راهْ بُزَرْواطَة ايْدَوّرْ عْلِيهم فَالشَّجَرْ



Saouita Hassan

Aziz Bernoussi

دَبَا هادْ السيد كَيْفَرّقْ البْلايَصْ فَالجّنّة وَعْطا الشيخ علال بْلاصَة فْجَهَنّم. بَايْنَة هارْ الضّربة، الله يَحْسَن العْوانْ ههههههههههه



Aziz Bernoussi



Hassan Elghaouali

علال دَدْريس فَالصَفَحة نُفَرْحُو بِيه والعارَف لاش دُورَيه والعارَف لاش دُورَيه والزَّايَدْ عُلَى الطَّبْلَة شُنْا تَلْقِيقْ بِيه الْعُمُود جَاتُ القَسْمَة فِيه والحُمارْ المَدْوَدْ عَالِي عَلِيه فَرَّعُلُو فَالارْض التَّبَن وْخَلِيه فَرَعُلُو فَالارْض التَّبَن وْخَلِيه دُمُوالُفُ بُكُرْفَة الشَّعِير حْرامْ فِيه دُمُوالُفُ بُكُرْفَة الشَّعِير حْرامْ فِيه



Mohamadi Elharnane

الاطيف الاطيف شُنَا قال هاد العُريف جَا وْفَيَدَو الخُطيف مَنْ الجَنَّة خَرَجْ علال بَالسّيفْ رانِي انْسَقْسِي نَوْفل الظْريف مَنَّايَنْ جَبْتْ هاد التَّالِيف كَ انْتِ عَالَم اوْ عَزْرايَلْ شْريف اوْ غِي الحُمّى دَاعِش جَاتَكُ فَالخْريف الاطِيف الاطيف

ماشِي نَرْجَعْ كِي الرهْيف نُرْجَعْ كِي الرهيف نُرْيَرْ الفَلُوسْ لَاسْتِيفَ وَنْعَوْرَطْ فَالهُرْكالَ الشّقِيف يَلْعَبْ مُعانا خُفِيف فَيقَ اللّيفُ - ا - وُيَشُرَكُلُو العَيْنُ مُعَ اللّيفُ - ا -



Saouita Hassan

اَيَا خُوتِي شُفُو شُنْا كان مَزَلِي فُبُوحْبَلَ للصَفْحة دْخَلْ حَالْفار ايْزَحْوَلَ قَلْكُ هُو سُمَيْتُو نَوفل مَعْرَفْتُو وَاشْ طَفْلة اوْ طْفل مَعْرَفْتُو وَاشْ طَفْلة اوْ طْفل وَيْشَرْمَل وَيْشَرْمَل يَمّاه تُوَحْمَتْ على علال مَنّايَنْ كان مَزالْ هُو فَالحْمَل يَمّاه تُوَحْمَتْ على علال مَنّايَنْ كان مَزالْ هُو فَالحْمَل يَمّاه تُوحْمَتْ على علال مَنّايَنْ كان مَزالْ هُو فَالحْمَل يَمّاه تُوحْمَتْ على طَلْق شُنا فُكَرْشُو بْأَزْفَلْ مَنْا فُكُرْشُو بْأَزْفَلْ



Saouita Hassan

وَفِينْ مشاوْ الزّغْرَتاتْ ههههههههه



Aziz Bernoussi

الان عرفت ان فرايجية الهجاء لم يموتواالبركة في الخلف الذي يحرس كل مجموعات البرانس ضد كل من سولت له نفسه المس بكرامة البرانس او التشكيك في نبلهم واستقامتهم...تحية للجميع



Hassan Elghaouali

ضَرُورِي ما يُكُونِ الرّوتُوشِ
وُدَحْقَرْنا بْلاَصْتُو فَالتّوشِ
حُنا مَانْتُحَقْرُوشِ
السّومة طالعة وْما نْهَوْدُوشِ
وَلِّي تُعَدّا مَنْو مَانْطَلْقُوشِ
حُنا مْدافْعِين عُلى الصّفحة مانَتْوَخْرُوشِ
وَخّا سَاكْتِين مَانْهَضْرُوشِ
عارْفِين بْلاصة الباعُوشِ
عارْفِين بْلاصة الباعُوشِ
فَوَاها عُلِينا لْحَ الْعَيْطَة دَالْفُشُوشِ
اسّي اسْويطَة راحْنا مانَتْفاكُوشِ
غِي عُلَمْنا وَحْنا نُدِيرُو الفُتُوشِ
وَنْرَسِّو بايْكُون لَلْبَخُوشِ
وَنْرَسِّو بايْكُون لَلْبَخُوشِ



الغُوالي عارْفُو راجَل فَحْشُوش النَّي كَانَ هَادُ البَرْهُوش النَّي كَانَ هَادُ البَرْهُوش مَنْ الفَصِيلة دَالزُّحُوش مَدْفُوع مَنْ زَرْنَنّو كُحَلْ الخَنْشُوش ايَتْخَبَعْ وَيْقُول كُوشْ وايْدُورْ عْلَى الغْبار دَالبْقَر والوْحُوش يْكَوْرُو بْرَجْلاه كِيفْ البَخّوش النُّقُلُو هادْ الشَّغُل مامنّوش الرْجال دَالصّفحة كامْلين قْيُوش بالنَّيْ الغُرْفة بَالَرْيُوش والسْنَقْف صْحِيح ماشِي مَغْشُوش والسَّنقَف صْحِيح ماشِي مَغْشُوش وَرْج بوش وَلَّا يْهَجْمُو الطَّيايَرْ دُتَاتْشَرَ وجُورج بوش وَخَورج بوش



Saouita Hassan





Med Es Sababa

انا غِي نْزَغْرَتْ وْمَا يْلَا دْخُلْت للسْطَر زَمْراتْ. راكُم فَالكَافِية. الله يغَطّيكم بَالرْضا





Hassan Elghaouali

غيرْ تْفَرْجُو وْنَشْطو وعلال هادا خطو قبل مانمشيق نسهطو الفراجة والهَيْت مْعَ الدّم تْخَلْطو و الهرنان حتى هو فيه نْعَوْرْطو وعزيز غليه نعارطو ونْقُولُو داكْ الباب دَالصفحة عَرْطو حْتى تْشُوف الفُوطو و لَّى فِيهْ شِي خَبْشَة لَازَم دْشَيْطو لِّي دَاخَلْ بْسَبَّاطُو حْتى يَمْسَح وْرَزْ باشْ مْلَيْطُو العْيُون دَالغُربال غُلَاظٌ خَصْ شُطاطُو الماكينة والشنبك تحطو الحال بارَدْ غِيرْ ماشِي دْغَرْوْطو مُولُ الكَرادُ مُوشُ كِي البُلانُطو يلا فرحنا الناس يسخطو العَوْد هاد دْغِير عَطُو شْحال مَنّمْ غِي غَلْيَة وَايْشّلْهُطُو عاد جاتَم التو كِيضَة وَايْتُمَغْطو راه الصبرح بان بياطو وْغَلْبَتْ مِيكاواتي عْلِي سوهارْطو الله يعطينا الشنتا ونفلطو وَنْصِيبُو حْتِي البَرّوطْ فاشْ نْلَيْطو تْفُرْجُو وْطَبْلُو وْغَيْطُو حْنا ماوَكْلِين حْرُورْ مَانَتْقَلْيْطو.

Hakim El Boualaye

استي حَسَن الَى كُلَى لَحْرُور راه يُقَلَيْطو قَلَكُ مُشَاوُ لْفاسْ باشْ يَبْياطو ساعَة زادُو الهَمْ عْلى كُواطو لَقْطوط سُمَعْتَم ايْمَغُوْطو والكَلْب مُشا للمَنجل سَرْطو ولكن غِير خَليه دوخ يْسَهُطو استي حَسن فايَنْهو الهَرْنان لِيلُو عارْطو وَجْدُولُو التَّمَر ولَحْليب وْزِيد الكَاطو وْجِيب شِي حَوْلي قُدّامي سَهْطو بصَّحْ لا دْطِيبَشايْ غِي شُويوْ وْشَلْهْطو

اماليييييي



Aziz Bernoussi

سِي حَسن جابْ خالْتي فَطُوش ادْعَمَر اتاي بَالنعناع البُوري ما هُو مَرْشُوش سي الغُوالي راجل فَحْشُوش حَلَينا نَتْهاؤُدُو وْما نَتْسَوْقُوش حُنا للتْبَرْهِيش مانْعَرْفُوش هادْ نَوفل مَنْ الصّفحة مانْحَدْفُوش هادْ نَوفل مَنْ الصّفحة مانْحَدْفُوش

هذا بايَنْ مَافْيَدُوشِ غِيرْ لَعْبُو لَا دَنْتَقْرُوشِ خَلْيَوَه فَالصفحة يَجْمَع الكُوارِي مَنْ التّوشِ



Med Es Sababa

اسي عزيز بلا مادَتْقَلَقْ هَدَاكُ حَسْبُو جَا يَسْرُق هَدَاكُ حَسْبُو جَا يَسْرُق مَنْ حَدْ وْجَاهُ مْغَطِي وَمْدَرَق مَنْ حَدْ وْجَاهُ مْغَطِي وَمْدَرَق بَنْدَم لَابُدْ يَخْطى وْيَزْ هَق دَبا يَنْدَم وْيَغْتَدر وْيخَلَّص الحَق راهُ شْحال مَنْ واحَد بْعَقْلو وَبْغا يَحْماق انا عْيِيت مانْشُوف وَنْحَقَق علال كان شُوايْ ايَزْ هَق كان حْتى هو تاجر فالاسواق كان حْتى هو تاجر فالاسواق ايغمل لكريدي وْيَطْلَق ايتْمُول وْلُخْرَى زُرَق ها لَي وَحَتى مُولاتْ لَغُلافْ ايشْرَق وحَتى مُولاتْ لَغُلافْ ايشْرَق وحَتى مُولاتْ الْفَلْد الحَقْ ها هي صافْطاتْ الوَلْد يَقْبُطْلا الحَقْ

یا عمی

Med Es Sababa



Mohamadi Elharnane

مسابقة الليلة: ما هو الاسم العائلي لشيخنا علال ددريس؟

المُلالي الملالي المُلالي المُلالي المَلالي مَادَحُلالي والَّي عُلِيتُ مادَحُلالي والَّي طَحَكْت مادَزْ هالِي والَّي مُشِيت مُساري الْفاس الجُديد اوْ البالي الْفضر مع الصّبابَة والغُوالي والْلاغِي على الصّمد والغُزالي والْلاغِي على الصّمد والغُزالي هُو بُحالي بُحالي مَجدوب وبُوهالي مَجدوب وبُوهالي المَّا سالما أويلي قُولُولا على الرُّجال دَالبْرانَس عَوْلي وَعْلى الصّبابة فْهادْ البَرْد حاوْلي وعْلى المَّا يْشارَط فَالجَامَع دْسِيدي علي راهْ مُشا يْشارَط فَالجَامَع دْسِيدي علي راهْ مُشا يْشارَط فَالجَامَع دْسِيدي علي



Med Es Sababa

بْرافُو ياصاحَبْ الملالي انْتِ عُمْرَك مَدْتَنْسالي

الهَضْرة بَالمَعنى غِي قُولالي الحَسن بُحِينا زَرّالي الحَسن بُحِينا زَرّالي الهَضرة لِي قَلَكْ قالالي هاذ الليل مُحال يُسالي غِي قُلْها دُوزْ لَتُوالي عَي قُلْها دُوزْ لَتُوالي هَذ الليلة التكريم دَالمُلالي وَخْرَ تُلي فَظْ الليلة التكريم دَالمُلالي وَخْا عَيّان شُواي وَمْسالي نَظْلَب مَنْ الله العالي يُطُوّل عُمْرَمْ وَيْبقاؤلي يُطُوّل عُمْرَمْ وَيْبقاؤلي

یا عمی.



Aziz Bernoussi

واااالبني ملال وابني ملال
واااابني ملال وابني ملال
واااابني ملال اسيادي طريق أغولال
الدراري سَلْمُولي على الشّيخ علال
حنا عَامْلِيلّو الاحتفال
مُول الحَلق وْمُول المُوال
وَشْحال فَرّحْ دَالرْجال
كان يْلَا هْضَر النْسا ايْرَكْبَم الَهْبال
ايْزَعْرْتُو وَيْكَعْدو المْيال
والفْلوس فُوق الشّياش بْلَا ماتْسال
خِيرْ مَنْ جُوج فْرَنْك دْأفِيلال
عَمي حْميدة وَلْد الهُرْكال
حَكَى لِينا شَلَا قِصَص دْهادِي شْحال
انا هادْ الشّيخ المُلالي علال
فويت نْمَثْلُو مَصَبْتْلُو مِثال
هُو كِيف نِرْار قباني خَصّو تِمْثال

الحياب



Saouita Hassan

اخُوتي شُوفُو هادْ مُحَمدْي البَخَاصِ الْهَضرة دْيالُو اطّيَرْ النْعاسِ علال دَدْريسِ شِيخ مَشْيوخ ادْعَرْفُو النّاسِ على الَفْراجة كان مَجْنون وْمَقياسِ على الَفْراجة كان مَجْنون وْمَقياسِ الْعُراسِ اللهضرة كانت عَنْدو كِيف القَصّاصِ الْهضرة كانت عَنْدو كِيف القَصّاصِ الْهُلام لَحْلُو ايْبِيّت النّسا بْلَا نْعاسِ شُحال مَنْ راجل مَنْ كُلامُو دَخْلُو الوَسواسِ على علال شَلَا حَرْمُوا على نْساهَم العراسِ الْوَدِي دَالغِيوان كانِ ايَنْزل عْلِيه فْتَايْناسِ الْحُوريِ بْلا علال قُولُو لَفْراجة مْشاتْ لَرْواسِ اخُوتي بْلا علال قُولُو لَفْراجة مْشاتْ لَرْواسِ اخُوتي بْلا علال قُولُو لَفْراجة مْشاتْ لَرْواسِ



الحَسن على سلامتو هَا هُو جا دَبا عاد مَشِي دَزْيان لَفْراجا مَشِي يْرَدْ المِيل كِيفْ الصّانْجا سي مُحمّادي نْطَلْبَكْ وَنتْرَجّا باش مَدَبْقاشِي لَفْراجا عَوْجا قُول لْسالما دَخْرَج لْداكْ الدّرْجا وَدْزَغَرَت حْتى دْبانْ الفَلْجا عَنْداكْ دْكُون تْقَلْبَتْ كِيفْ المُوجا وْصَبْحَتْ ادْمُوت عْلى الطَّبَل وَالكَمَانْجا وْصَبْحَتْ ادْمُوت عْلى الطَّبَل وَالكَمَانْجا

يا عمي.



Hammadi Arroud

انا بَعْدَ باقِي مُحاضْرِي اَنَتْهَجّا الخُروف ماشِي كِيفْ النَعْجة علال دَدْريس ماشِي هُو طُورْجا علال غِيوان ، غُنا وَفْراجا المَي رُرْغُ دَرْجُعْ الدّنيا مْبَهْرْجا تُشُوف النّسْوان دُزَغْرَتْ وْحَارْجا يُسَمْحُو فَالشّيخة والكَمَنْجا يُعْيِين الرهيف والكَمَنْجا وطَراش والهُرْكال والبَرْنوصِية لَهْجا وعلال فَالمَحْفَل كِي نُوارْ المَرْجا وعلال فَالمَحْفَل كِي نُوارْ المَرْجا وعلال فَالمَحْفَل كِي نُوارْ المَرْجا وَمَنْ اولاد حَدو حْتى للْوَلْجا ومَنْ اولاد حَدو حْتى للْوَلْجا